


A



CANTIC SPIRITUEL

VAR AR BURETE.

Var eun ton nevez

SELAOUT oll tud yaouanq, eun guiradadurez,
SA so meurbet profitabl vit ho silvidiguez,
Da viret ar Burete evel ma zeo dleet,
Da Jesus, güir Vab Doue, Priet ar Güerc'hezet.
Calz a glêvo ar Verz-mâ, hac a vezo fachtet,
Balamour d'ar virionez zo enni disclêryet :
An den clân e zaoulagad n'ell qet sellet an de,
Nac ar re a zo coupabl clêvet ar virione.

Ar sujet eus ar Vers-mâ eo ar frajilite
Demeus ar merc'het yaouanq re scânv a volonte :
Allas ! güelet rêr gante alies glac'haret
O zadou hac o mamou, goude o beza maguet.
Ar re a zo vertuzus n'en em offañcont qet
Vit laret ar virionez d'ar re zo imparfet :
Doue a gommand qelen ar re oboissant,
Ha fixa bars en hent mad ar re zo variant.

Allas ! pelec'h m'an amzer ma voa'r merc'het
contant

Da exposi o c'horfou d'ar maro, d'an tourmant ?
Güell vize ganto beza losqet ha merzeriet,
Qent eguef e nep fêçon offansi o güerc'hdet.

Pa annonças Gabriel d'ar Verc'hes glorius
E voa choaset gant Doue da veza Mam Jesus,
E laras d'en em excus penoss ne vise qet,
Marbise dre an dra-se offancet he güerc'hdet.,
Ne zeus tra var an douar a vez a vrasoc'h pris

Ma carremp consideri, eguet an honestis ;
 An oll aour, an oll arc'hant, hac ar mein precius
 E comparèson dezi a so traou disprizus.

Pa vez collet an arc'hant hac ivez al leve,
 Gant poan a zo c'hoas moyen d'o gounit adare ;
 Mes mar collit hoc'h enor, ha fallout e recours,
 Qement den a zo er bed n'allint qet ho sicour

Enor ar merc'het yaouanq zo evel eur veren,
 A zo facil da derri, pe evel paper güen,
 Pehini gant eur bluen goude beza scritet,
 Evit poannia e voelc'hi james ne ve grêt net.

Greomp c'hoas comparèson ouz ar fourdilisen
 Hac an tenzor precius, enor ar fumelen :
 Ar fourdilis so brillant pa zeuer d'o sellet,
 Mar o zoucher gant ar bis, e collont o guenet.

Allas ! siouas, tud yaouanq, pa brometer deze
 Comzou caer, fidelite, ha peb seurt carante,
 A zo facil da gredi, qen a vezint tromplet,
 Ha goude pad o buez e chomont glac'haret.

Lucifer a bromete da Eva, da Adam,
 Evit dêbri eus ar frouez n'o devise neb blam ;
 Allas ! hac e voent tromplet : hac evelse bremâ
 E tromple o bugale dre lies promessa.

Allas gant an den yaouanq zo preis an ærouent
 Goude glac'hari o zad, o mam hac o c'herent,
 Pa na gueront conservi dreist pep tra o enor,
 A zo calz preciusoc'h eguet cant mil tenzor.

Allas ! an tad hac ar vam a vo ivez daonet
 Balamour d'o bugale, pa n'o c'horrijont qet :
 Evel an douçder ar frouez a reputer d'ar güez,
 E zeo d'an tad ha d'ar vam buez ar vugale.

Ar blanten pa vez yaouanq a bleggant pep avel,
 Evit e derc'hel eün e zeo ret he zével;
 Evelse ar vugale, ma na vent corrijet,
 A blego dindan ar bec'h an natur corrompet.

Rac-se, tadou ha mamou, pa oc'h eus bugale,
 Mar fell d'ec'h beza divlam abalamour deze,
 Ne lezit-y qet da vont da nep seurt assemble
 Na vo unan ac'hanoc'h, pe o c'herent gante.

Ne zeus den var an douar a nep seurt qualite,
 Ma na gar laqat evez, na gollo e ene;
 Liessoc'h a zrouc-speret a zo o tarnijal,
 Eguet zo a guellienen vardro eun aneval.

Ne zeus na foar na marc'hat, pardon na nep
 andret

N'en em gav Lucifer hac e gamaradet,
 Eguis bleizi arrajet pere a zo subtil
 Da drompla an dud yaouanq pere a zo frajil.

O lezel an dud yaouanq re en o liberte,
 Eus o mesur discredet gant re a vanite,
 E roer sujet deze d'en em r'ei d'ar pec'het,
 Difficil eo n'em viret pa vezer commencet.

Ar Roue an oll furnez en deveus lavaret,

Nep a gar re bugale a vezo glac'haret;
 Rac deiz ar Varn jeneral hep mar o devo blam,
 Pa r'ei bugale daonet mallos d'an tad ha mam.

Me ho conseil, tud yaouanq, da viret chastete
 Evit renta Jesus-Christ amoureux ous oc'h ene,
 En em gonsacrit dezàn hac e vezo. eürus;
 Biscoas ne voe servicher ha qer carantezus.

Jacob, evit eureuji merc'h an ingrat Laban,
 A chomas ahet seiz bloaz er fatiq hac er poan :

Jesus zo deut er bed-mâ d'eureuji eur vèstrez,
 En deus, balamour dezi, finisset e vuez.

Satan clàn hac anvius o velet omp choaset
 Da bossedi ar plaç caër eo deus dregloar collet,
 Mar gall hon laqai da goll eun tenzor precius,
 Evit ma facho ouzomp hon Redemptor Jesus

Mar fell dêc'h beza divlam, n'en em gavit
 nepret

An eil sex gant eguile assambles da brezec,
 Rac an occasionou a zo re danjerus,
 Nep en deus o approuvet a zo bet maleurus.

Na ouffe den toucha peg na ve'zouarn souillet,
 Na qerzet var glaou tân ne vo e dreid poaset;
 Evelse an dud yaouanq an eil gant eguile,
 Pa ve Sent ha Sentezet, o offañcont Doue.

Den n'en deveus ar furnez en devoa Salomon,
 Nac ivez qement a nerz evel en devoa Samson,
 Evit o nerz, o furnez, e zint en em gollet;
 Nep a gred ar virionez, a velo dre effet.

Elec'h laqat ho corfou e fatic hac e poan,
 Mar chomit hep exerciç, ec'h arruo Satan
 Da invita, da laqat traou sot en ho calon,
 Ar güir voyen da drec'hi eo yun hac orêson.

Mari Egyptianes ha Mari-Madalen,
 A gunduas eur poulsat eur vuez disordren,
 Ha penevert ar gasti e rezont d'o c'horfou,
 E vent bremà o lesqi e creiz an ifernou.

Pa oa'n Autron Sant Anton ebars en ermitach
 O combati ouz Satan ountàn leun a arrach,
 Pa voa en e orêson, e save avichou
 Evit ober exerciç, rêi e gorf d'ar poaniou.

P'en em gav daou zen yaouanq an eil gant
eguile,

Sòjont emedi Doue presant en o ene ;
Merqa ra an oll œuvrou, comzou sònjesonou,
Varben ma zaïntdirazàn da renta o c'hontchou.

Sònjomp ouspen er stravill a vezo o clêvet
Mouez trompillou an Ælez, pa finisso ar bed,
O soumeti pep unan d'en em gavet presant ;
Den n'allo beza exant evit aour nac arc'hant.

Petra rai ar bec'herien pa vezo digoret
Al leur eus o c'houstianç o devezo scrifet ;
Pa vezo grêt hor setanç, divezat vo gouela,
Divezat vezo neuze fallout he c'horrija.

Mar deu goal sònj er galon, goulennit diouti,
Goude plijadur ar bed hac hi allo souffri
An tân grevus an ifern, pa ne allomp amàn
Anduri var hor c'hroc'hen eur fulennic bian.

Un Ermit, sollicitet d'eur pec'het dishonest,
Gant ur femelen mechant, en em divisqas prest
Hac en em stringas en tân, o lavaret dezi :
Approuvomp ercompanç qent monet da bec'hi.

Erfin, laqit evez mat ouz ho santimanhou,
Ho pemp sqiant naturel ; ar re-se ho tougo,
Ma na guerit dioüal piz, da souilla hoc'h ene,
Evel ma eure David güechall gant Bethsabe.

Qeitama zomperbed-mâ omp e danjer bepret,
Abalamour d'hon natur zo douguet d'ar pec'het ;
Ar gombat a zo livret etre Satan ha ni,
Ret eo deomp-ni caout couraj, mar fell deomp
e drec'hi.

Petra sònj ar bec'herien, evit daou na tri de

O deus da chom er bed-màn, coll an eternite,
 Hac int oc'h allout beza corf hac ene contant
 Er barados da vigeñ, hep anvi na tourmant.

Clêvet oc'h eus ar voyen, mar qerit e miret,
 Evit en embrepari da gaout da bried
 Jesus, mar en desirit, ma na ellit gortos,
 Er Sacramant an Auter e cavot ho repos.

CANTIC VAR AN IMPORTANÇ EUS AR ZILVIDIGUEZ.

PETRA servicho da eun den
 Oll gloar ha bompou monden,
 Hac e ve mestr var ar bed oll;
 Mar da ene, siouas da goll!

Petra servicho dit, den avaricius,
 Da aour, da oll arc'hant. da denzor precius?
 Pa vez da-unan mestr er bed universel,
 Mar couez da ene paour er flammou eternal?

Var ar bresañ a Zoue.

Mar oc'h eus c'hoant da goumetti eur pec'het,
 Clasqit eur plaç a vezo cus ha secret,
 E pihini Doue n'ho quello qet,
 Hac eno grit hardis ar pezo a gueret.

in munus tuas.

Etre ho taouarn, va Doue,
 E recommandàn va ene :
 Va Doue, c'houi oc'h eus va frenet,
 Ma n'en deus chenchamant ebet,
 Na vet qet caus mar ben collet.

A enep ar fals mignonet.

E prosperite pa vezet,
 Ho pezo nombr a vignonet;

Mes mar bes ar rod ar fortun
Control dêc'h, n'ho pezo nicun.

Var an doujanç Doue.

Doue en deus treid plom, n'en em hast tam ebet
Da bunissa crimou ar pec'her obstinet
Dioüallomp gouscoude, ouarn eo e zaou dorn,
Pa en deus hir gortoset, e crog bete'n ascorn.

Var an heur incerten eus ar maro.

Pa ne ouzoc'h qet ar plaç, an heur hac
ar moment

Gant ar maro traitour ma veot attaquet :
Gortoit-hi e peb plaç e peb heur ha moment,
Evelse c'houi a viro ma vezot surprenet.

Var ar memes sujet.

Ma ouffac'h evit certen n'o pe qen an amzer
Da veva var ar-bed-mâ nemet eur mis antier,
C'houi ho pe regret certen da veza implijet
Hoc'h amzer da gundui eur vuez debordet.

Ha gouscoude e c'hoarzit hep sonjal tam ebet,
Noc'h eus qet nac eur moment hac eun heur
assuret;

Marteze ebars an nôs allac'h beza jujet
Hervez ho merit, d'an tân pe d'ar güir joaustet.

Var ar goal Gôvession.

Credit certen hac assuret,
Ma na zeus chenchamant ebet
Ne dal tra ho côvession ;
Rac-se dioüallit, va mignon.

Oréson a enep an teir goalen a gasti.

Ni ho suppli, ô va Jesus!
Dre hoc'h hano carantezus,
Da gass pell diouz hor c'harter

Qernes, ha bocen, ha brezel.

Oréson da Sant Gueltas.

Autrou Sant Gueltas, c'houi c'heus eur gallout
bras meurbet

Digant Doue a enep an oll chaç arraget,
Preservit e peb amzer ho cüir servicherien
Dious chaç clàn, hac ivez dious peb seurt ançen;
Ni ho ped hac ho suppli eus a greiz hor c'halon
a chasseai ar voalen-se pell dious hor c'hanton.

CANTIC VAR AR *MARIA MATER.*

O Guerc'hez Vari, Mam a c'hraç,
Ha mam a druez e peb plaç,
E peb amzer hor preservet
Par ha net diouz peb pec'het,
E peb amzer hor preservet
Diouz griffou an drouc-speret.

En heur ar maro pa vezimp,
Guerc'hez Santel, roit sicour dimp;
Neuze recevit hon ene,
Ha presentit-hi da Zoue.

Rentomp gloar da Zalver ar bed,
Zo bet gant ar Verc'hez ganet :
Rentomp gloar d'an Tad Eternel,
Hac ive d'ar Speret-Santel.

Ra vezo Doue hep fin meulet
Gant an oll Zent hac an Ælet :
Ra vezo meulet hep paoues
Bremâ hac er fin da james.

FIN.

AD MAJOREM DEI GLORIAM.

E Montroulez, e ty LÉDAN, ru ar Pave.